

**14 FEBRUARIE**  
**RUGACIUNEA**  
**SF. CUVIOS**  
**MARON DE LA SIRIA**

**Молитва**

О возлюбленная и священная главо, преподобне и богоносне отче наш Мароне! Назирай свыше милостивно нас грешных и молися Владыце милостивому и всещедрому всех благ Подателю Богу о соблюдении страны нашея. Буди молебник и о нас грешных! К страшному Господу Саваофу честныя своя руце в час сей простри, и от Него милость и щедроты испроси, и приими ны во свое ходатайство и заступление, от всех бед и лютых болезней сохрани, и от всяких страстей свободи, и от нестерпимыя и неутешимыя огневицы и трясавицы молитвами твоими избави нас, и от нападения бесов, от видимых и невидимых врагов соблюди, и согрешениям нашим прощение испроси, и спасенны Христу представи ны, и милостивно, в день Страшнаго Суда, с радостию предстати нам пред лицом неизреченныя славы Его сподоби, и милостивное призвание в Царство Небесное от Него услышати, и в неизреченней

радости зрети преславную Его лица доброту  
сподоби благодатию и человеколюбием Господа  
Бога и Спаса нашего Иисуса Христа: яко  
держава Его благословенна и препрославлена  
со Безначальным Его Отцем и Пресвятым и  
Благим и Животворящим Его Духом, ныне и  
присно и во веки веков. Аминь.